



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput II. Martyrium adulorum est actus heroicus fortitudinis.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

LIBER SEPTIMUS.

AMOR FORTIS.

34 Erè Concilium Arauf. dicit, quòd fortitudinem Christianorum Dei charitas facit: quia fortis est ut mors dilectio, Cant. 13. Uique adeò fortis, ut qui corde perfecto Deum amat, nec mortem, nec supplicia timeat, sed corpus suum tradat, ita ut ardeat, nec in tormentis deficiat. Magna profectio est ista dilectio, testeque Augustino serm. 15. de verb. Apost. Multum amavit, qui torqueri patuit, deficer non potuit. Sed ille non potuit tanta perferre sine amore. Nec sine amore fortis. Quia, ut iterum ait lib. de patientia c. 4. vii. desideriorum facit toleraniam laborum; & nemo, nisi pro eo quod delectat, sponte suscipit ferre quod cruciat. Tuncque Dei dilectio maxima est in hac vita, quando pro illa ipsa contemnitur vita, lib. de nat. & grat. c. 70. Hec vera fortitudo est (inquit Ambrosius lib. I. de offic. Ministr. c. 36.) quam habet Christi Athleta: quia nisi legitimo certamine non coronatur. Talis fuit fortitudo Martyrum, quos Cyprianus epif. 8. sic affatur: *Quibus vos laudibus praedicem, fortissimi Fratres? Robur peccoris vestri, & perseverantiam fidei quo praeconi exornem? Tolerantis usque ad consummationem glorie durissimam questionem, nec cessatis supplicis, sed vobis potius supplicia cessarunt.... Inexpugnabilem fidem superare non potuit saviens diu plaga reperita, quamvis, rupi compage viscerum, torquerentur in servis Dei, iam non membra, sed viscera. Quale illud fuit spectaculum Domino! quam sublimne! quam magnum!.... pretiosa mors hec est, que emit immortalitatem pretio sui sanguinis, que accipit coronam de consummatione virtutis.* Nec tamen solis illis fortissimis Athletis, sed & nobis, in pace Ecclesiae viventibus, fortitudo necessaria est. Cum habeat & pax Ecclesiae Martyres suos. Siquidem vita Christiani, si secundum Evangelium vivat, crux est & martyrium, adversus pravas utique cupiditates, adversus mundi blandicias, & terrores, adversus continuas diaboli impugnations, adversus rectores mundi, & tenebrarum harum. Sed prævalere non poterunt, si induamur armaturā Dei, loricâque charitatis Christi. *Quis enim nos separabit à charitate Christi? tribulatio? an angustia? an famæ? an nuditas? an periculum? an persecutio? an gladius?* Sed in his omnibus superamus propter eum qui dilexit nos. Certus sum enim, quia neque mors, neque vita, neque Angeli, neque Principatus, neque

Virtutes.... neque creatura alia poterit nos separare à charitate Dei, Rom. 8.

CAPUT I.

Fortitudinis duplex acceptio & officium.

Sanctus Thomas q. 123. a. 2. observat duplum fortitudinis acceptiōē. Primo enim sumitur pro animi firmitate in bene operando, & sic (inquit) generalis est virtus, seu conditio cuiuslibet virtutis: ad virtutem quippe requiritur, ut firmiter, & constanter operetur, ut Philosophus docet 2. Ethic. 4. Secundo, pro animi firmitate in aggrediendis, & sustinendis rebus arduis, & magis in perferendis, quam in aggredientis. Quia difficultius est timorem reprimere, quam audaciam moderari. Difficilis diu manere invictum, praesertim in doloribus, & cruciatiis, quam subito motu ad aliquid arduum moveri. Atque hinc eluet fortitudo Martyrum, de qua numero precedenti. Nec dubium quin fortitudo sic accepta, sit virtus, & virtus specialis. Facit enim quod homo nullis molestiis & terroribus ab honesto recedat, nec temere se in pericula conjiciat, & ut animus adversus prævisa pericula & terrentia præparet. *Nisi enim explorenerit adversa, citè occupant (ait Ambrosius lib. I. de offic. c. 38.) ut in bello improvisus hostis vix sustinetur, & si imparatus inveniat, facilè opprimit; ita animum mala inexplorata plus frangunt.*

Hinc fortitudo definiri potest, considerata periculorum suscep̄io, moderataque aggressio, & invictæ molestiarum perpeſio.... Ita ferè Tullius lib. 2. de inventione. Unde officium ipsius est moderari timorem, audaciam, & tristitiam. Timorem, ne nimis sit, non ut sit nullus, ubi justa est timoris causa (vitiosum est enim non timere, quomodo & quantum timere oportet.) Audaciam, ne temere se in pericula conjiciat. Tristitiam, ne propter eam, ex malo praesenti conceptam, animus à bono suscep̄to deficiat, vel aliiquid contra honestatem fiat.

CAPUT II.

Martyrium aduliorum est actus heroicus fortitudinis.

Negant hoc aliqui, dicentes, martyrium esse actus illius virtutis, quæ à

persecutoribus impugnatur, v. g. fidei, vel castitatis. Verum affirmanit sancti Cyprianus n. 34. relatus, Ambrosius lib. 1. de offic. c. 36. & 41. Chrysostomus homil. 5. in Matth. Augustinus lib. 1. de morib. Eccles. c. 22. & 23. Et probatur ex Apostolo Hebr. 11. de Martyribus dicente, quod fortis facti sunt in bello. Necnon ex eo quod martyrio conveniat definitio & officium fortitudinis, de quibus cap. praecedenti.

³⁸ Nec refert, quod mortis acceptatio per pessimum ex aliis virtutibus procedere queat, absque intuitu ad honestatem propriam fortitudinis: cum equitem in martyrio se offerat propria materia, officiumque fortitudinis, periculum utique mortis, ipsius per pessimo, timoris, & tristitia moderatio, ne eam impediatur, &c. Unde licet primum & principale motivum actus martyrii sit charitas, per modum imperantis, proddet S. Thomas q. cit. a. 2. ad 2. fortitudo tamen ad actum illum concurrit per modum eliciens. Et sic martyrium non tantum habet bonitatem actus fidei v. g. vel castitatis, sed & charitatis, & fortitudinis.

CAPUT III.

Requisita ad rationem martyrii.

³⁹ Primum requisitum est per pessimo mortis, illatae propter professionem fidei, vel alterius virtutis Christianae; vel certe per pessimo tormenti nati mortem illam inferre. Quia, ut S. Thomas ait a. 4. ad martyrii rationem necesse est, quod mors recipiat sequitur, vel posita sit sufficiens causa mortis, ex qua naturaliter sequeretur, nisi divinitus impediretur. Unde Joannem Evangelistam ut Martyrem Ecclesia colit, quia missus in dolium olei ferventis, inde recipit mortuus fuislet, nisi mors ipsius divinitus impedita fuislet.

⁴⁰ Dixi, propter professionem fidei, &c. Martyrem enim non pena, sed causa facit, ut Augustinus dicit conc. 2. in Psalm. 34. Unde dum quis occiditur propter doctrinam falsam, vel propter sua crimina, non est martyr, licet vanè existimet, se pro fiduci veritate occidi. Propterea nemo velutrum (ut dicitur 1. Petr. 4.) patiatur ut homicida, aut fur, &c. si autem ut Christianus, non erubeat; glorificet autem Deum in isto nomine.

⁴¹ Illi quidem fidei Confessores, qui mortem pro Christo habuerunt in voto, jamque coeperunt tormenta pro ipso sustinere, tametsi non lethalia, inter Martyres olim fuerunt computati, ut videre est apud Tertullianum lib. ad Martyres, & contra Praxeum, & apud Cyprianum epist. 9. 16. 30. &c. Posterioribus tamen factulis pro consummatis Martyribus habitu non sunt,

Tom. II.

nec habentur, nisi qui mortem, vel lethalia pro Christo tormenta subierunt.

Secundum requisitum est voluntaria mortis pro Christo, sive pro Christi fide, vel alia Christiana virtute, acceptatio. Cum martyrium sit opus virtutis. Nemo vero, absque sua voluntate & consensu, virtutis opus exercet.

Tertium requisitum est, quod quis non resistat Tyranno, sed absque resistentia finat se interfici, Christi exemplo, qui secundum ovis non resistens ad occasionem ducetus est.

Hinc milites, pro fidei defensione cum pura intentione pugnantes, si in ejusmodi bello à Mahometanis, Judeis, vel Hæreticis occidentur, multum quidem merentur, non sunt tamen Martyres, nec ut tales ab Ecclesia habentur. Quia magis querunt infideles occidere, ne fides & religio ab ipsis exterminetur, quam ab ipsis occidi; nec mortem sine resistentia patiuntur, uti passus est Christus, qui, cum pateretur, tradebat se judicanti iugulo, 1. Petr. 2. & oblatus est quia voluntas non aperuit os suum. Secundum ovis ad occasionem ducetur, & quasi agnus coram tundente se obmutescer. Isa. 53.

Quartum requisitum est, ut fide supernaturali teneat veritatem, pro cuius confessione moritur. Si enim suo dumtaxat iudicio, humanoque sensu aliquam fidei veritatem teneret, aliis repudiatis (prout hæretici faciunt) tametsi pro illius veritatis confessione moreretur, Martyr non esset Christi, sed sui sensus & judicii; nec moreretur pro fide divina (quae non est in hæreticis, qui propterea Deo placere non possunt) sed pro humana, quam solâ veritatem illam teneret. Si enim fide divinâ teneret, nullam veritatem divinitus revealatam repudiaret. Eorum tamen patientia donum Dei est. Aug. de patientia c. 27. Omnia proinde infidelium opera non sunt peccata. Hinc extra Eccleiam martyrium non est, nec baptismus sanguinis prodest, uti docet Cyprianus epist. 73. ad Jubajanum, Hieronymus in cap. 1. ad Galat. Augustinus epist. 61. & 167. veter. edit. Necnon lib. 3. contra Cresconium, & lib. 3. contra Donatist. c. 17.

Quartum requisitum est status gratiae, vel idonea & sufficiens ad gratiam dispositio. Si enim tradidero corpus meum, ita ut ardeat, charitatem autem non habuero, nihil mihi prodest, 1. Cor. 13. Et ita docet S. Thomas 3. p. q. 87. a. 1. ad 2.

CAPUT IV.

Requisita in peccatore dispositio, ut martyrium ipsi profite ad salutem.

Certum est ex dictis numero praecedenti, affectum, tam actualem, quam virtuale ad peccatum mortale, esse im-

R 2